

明紅絲
欄鈔本

百

家

詞



逃禪詞目錄

水龍吟六

念奴嬌

掃花遊

隔浦蓮

品令

陽春

白雪

垂絲釣

解蹀躞

醉落魄

青玉案四

望江南四

選冠子

滿庭芳

二郎神

水調歌頭四
傳言玉女二

於中好三

瑞雲濃

一叢花

好事近

帶人嬌二

蝶戀花四

鋸解令

憶秦娥

傾盃

望海潮

齊天樂二

驀山溪四

醉蓬萊三

朝中措二

點絳脣四

卜筮子三

滴滴金

二

上林春令

瑞鶴仙

四

雨中花

三

鵲橋仙

洞仙歌

多麗

卓牌子慢

倒垂柳

惜黃花

醉花陰

五

鮮蝶變

瑣窓寒

玉樓春

三

清平樂

二

漁家傲

四

雙鴈兒

二

迎春樂

永遇樂

三

玉燭新

御街行

柳梢青

十七

解連環

踏莎行

探春令

四

人月圓

二

眼兒媚

倒垂柳

南歌子

六

西江月

二

生查子

三

甘草子

鷓鴣天

四

天下樂

玉抱肚

雨中花令

三

夜行船

五

兩同心

四

烏夜啼

朝天子

步蟾宮

長相思

曲江秋

三

點絳脣

逃禪詞目錄

逃禪詞

清江楊

無咎

補之

水龍吟

當年誰種官梅樹自開落清無比一朝驚見危亭岑
立繁華叢裡知是賢侯有難兄弟素書時寄縱舞携

如意吟搔短髮無從訴心中喜
却對斜枝冷蕊似
於人不勝風味水姿斜
朱唇淺破欣然會意青子
垂垂翠陰密密尤堪頻憇待促歸禁近邦人指點作
棠比

又武寧瑞蓮

曉來雨歇風生素商乍入鴛鴦浦紅蕖翠蓋不知西
帝神遊何處羅綺叢中是誰相慕憑肩私語似漢皋
珮解桃源人去成思憶空凝竚
肯為風流今尹把
芳心雙雙分付碧紗對引朱衣前導應須此去好揖
清香盛邀嘉客盃行無數喚瑤姬並立如花並蒂唱
黃金縷

又趙祖文画西湖圖名曰撚相宜

西湖天下應如是誰喚作真西子雲凝山秀日增波
媚宜晴宜雨况是深秋更當遙夜月華如水記詞人
解道丹青妙手應難寫真奇語 往事輸他范蠡泛
扁舟仍携佳麗毫端幻出淡粧濃抹可人風味和靖
幽居老坡遺迹也應堪記更憑君画我追隨二老遊
千家寺

又雪

小軒瀟洒清宵午風正緊門深閉藜床危坐竹窓頻
聽春蟲撲紙燈燼垂紅篆烟消碧衣輕如水料飛花
未止堆簷已滿時摧折琅玕尾 骨冷魂清無寐這
身在廣寒宮裏暗懷千古渾凝一夜水生腸胃歲事
崢嶸故園睽阻歸期猶未何寒鄉不念豐年只憶青

天萬里

又

夜來六出飛花又催寂寞表門閉幽齋無寐寒欺衾
布明吞窓紙起步閑庭月華交映長空如水便乘風
欲去凌雲直上青冥際騎箕尾誰信團成和氣在
賢侯笑談聲裡咸驚句琢瓊魂端是錦纏腸胃宿麥
連雲蝗入地田家知未更明年看取東阡北陌黃
雲萬里

又
木犀

智瓊嬌額塗黃為誰種作秋風蕊寒香半露綠幃深
護猶聞十里山麝生臍水沉削蠟一時羞避何錢塘
江上中秋月下有人暗尋遺子不柰書生習氣對

群花領畧風味騷人已去欲紉幽佩重為湘酹天賦
風流女梅兄蕙輿桃奴李向明窓棐几纖枝未老眼
明如水

念奴嬌

單于吹罷望西山乞得斜陽收脚素魄旋升聽桂子
風裡時時飄落瑩徹杯盤冷侵毛髮渾不勝衣著天
公有意為人掀盡雲幙童稚猶也多情廣庭掃淨
草不客纖惡步遶周遭疑便是踏雪當年東郭慢引
歌聲響穿雲際直使姮娥覺一尊重酹為言千載同
約

掃花遊

乳鶯囀午好夢初醒小軒清楚水沉細縷趁遊絲落

絮綏墮風舞骨起春心又是愁雲怨雨玉人去偏徙
倚舊時曾並肩處相望知幾許縱遠隔雲山不遮
愁路捧盃薦姐記低歌麗曲共論心素薄恨斜易不
道離情最苦正凝竚向譙門又催笳鼓

隔浦蓮

墻頭低蔭翠惺格磔鳴鳥鵲好夢驚回處餘醒推枕
猶覺新晴人意樂雲容薄麗日明池閣捲簾幙披
衣散策閑庭吟繞紅藥殘英幾許尚可一供春酌天
氣今宵怕又惡憑托東風且慢吹落

品令

水寒江靜浸一抹青山影樓外指點漁村近笛聲誰
噴驚起賓鴻陣往事捻歸眉際恨這相思誰問淚

痕空羅襟印。泪應啼盡。爭奈情無盡。

陽春

蕙風輕鶯語巧。應喜乍離幽谷。飛過北窓前。遮晴曉。
麗日明透。翠幃縠篆。臺芬馥初睡起。橫斜簪玉。因甚
自覺腰肢瘦。新來又覺^寬裙幅。對清鏡無心。欣^翻裏
誰問著。餘酲帶宿。思前懽往事。似驚回。好夢難續。
花亭偏倚。檻曲厭滿。眼爭春。九木儘顛顚。過了清明
候。愁紅慘綠。

白雪

蟾收雨脚。雲乍歛。依舊又滿。長空紋蠟。焰低薰。爐燼
冷寒衾。擁盡重重。隔簾櫳。聽撩亂。撲瀝春蟲。曉來見
玉樓珠殿。恍若在蟾宮。長愛越水。泛舟藍闕。立馬

畫圖中悵望幾多詩無句可形容誰與問已經三白
忒是報年豐未應真个情多老却天公

亦作掃陰陰翳
惟析紅日生東

垂絲釣

燕將舊侶呢喃終日相語似惜別離情知幾許誰與
度為何人代訴空朝暮謾千言百句怎生會得爭
如作个青羽又聞院宇不在當時住飛去無尋處腸
萬縷寄暴風橫雨

又鄧端友席上贈呂倩

玉纖半露香檀低應鼉鼓逸調響穿空雲不度情幾
許看兩眉碧聚為誰訴聽敲冰戛玉恨雲怨雨聲
聲捻在愁處放盃未舉傾坐驚相顧應也腸千縷人
欲去更畫簷細雨

解蹀躞 呂倩吹笛

金谷樓中人在兩點眉顰綠叶雲穿月橫吹楚山竹
怨斷憂憶因誰坐中有客猶記在平陽宿 淚盈目
百轉千聲相續停盃聽難足謾誇天海風濤舊時曲
夜深烟慘雲愁倩君洗醉明日看梅梢玉

醉落魄 龍涎香

雙心小夢瑞爐慢炷輕烟初著清香已透紅綃幄底
事多情玉笋更輕掠 髻雲側畔眉角粧成曾即鈿
華薄幾回殢酒襟懷惡鶯舌偷傳低語教人嚼

青玉案

徐侍郎生辰

芝蘭桃李環圍著擁和氣浮簾幙壽筭交飛爭滿酌
一聲珠串數敲牙板應有梁塵落 腰金雖重何曾

覺更看懸魚上麟閣不用祖洲尋靈藥平時陰德幾
人今日額手稱安樂

又

南州獨數多名士誰富貴歸來梓畫錦如公難比似
傍湖閑徑雨簾雲棟平地居仙子行須勲業超青
史丹侍宸幃任非次醉袖儘春酒清明年此會壽
觴欲舉百拜君王賜

又次了翁韻

奇葩珍樹叢叢繞望仙隱蓬萊小前枕湖光秋色曉
荷花今歲也如人意不逐西風老霞觴獻壽頻頻
倒瑞靄浮空凝不掃定自日邊飛詔早芝庭呈秀桂
宮得意更看明年好

又次賀方回韻

五雲樓閣蓬瀛路空相望無由去弱水渺茫誰可渡
君家徐福蕩舟尋訪却是曾知處群仙應問來何
暮說與榮歸綿封句句裏丁寧天已許要教強健召
還廟廊未作商崑雨

望江雨

張節便生辰

鍾陵好佳節慶元正瑞色潛將春共到台星遙映月
初升賢帥為時生人意樂天宇亦清明淡薄梅腮
嬌倚暖依微柳眼喜窺晴和氣滿江城

又

鍾陵好和氣滿江城憶昨旌麾初至止到今政令只
寬平仍歲屯豐登稱慶旦遐邇通一般情共信我公

躋壽者從來陰德被生靈
襦袴聽歡聲

又

鍾陵好襦袴聽歡聲
熏入管絃增亮響
喚教羅綺亦光榮
引滿勸金觥
誰信是元自悟長生
鈴閣纔授公事筆
雲章惟讀道家經
家世仰仙鄉

又

鍾陵好家世仰仙鄉
衣帶不須歲具葉
集賢何用化金瓶
且欲佐中興
期早晚丹詔下
天庭不許南州猶
珥節促歸東府
共和羹膏澤徧寰瀛

選冠子

許侔生辰

海上樓臺壺中日月
乍覺挈來平地
熙熙雞犬旌旌
僮奴亦自有登天志
知是仙官出應亨
期因識前修

風味看縱橫才美雍容談咲一團和氣 鍾秀處雪
潔霜梅清竹瘦占盡小春佳致笙歌韻溢綈綉香濃
飲少未妨歡醉好在雙椿佇看丹桂分折芝庭蘭砌
何游惟功行和羹勲業共傳家世

滿庭芳

彭守生辰

節物爭妍江山改觀已聞春到蕭灘瑞烟和氣葱蒨
接螺川元是使君誕日半千運來踵三賢

丞相劉公詩云
四百年間出三相

爭相競誰知勝地拜相有前山 芳筵閑富壽羅綺

間簪組駢闐正雪梅迎臘霜月將圓看取霜髯秀頰
人人道平世神仙調元手隆功在繼八百定長年

二郎神

清源生辰

炎光欲謝更幾日薰風吹雨共說是天公亦嘉神貺

特作澄清海宇灌口擒龍離堆平水休問功超前古
當中興護我邊堽重使四方安堵新府詞庭占得
山川佳處看晚汲雙泉晚除百病奔走千門萬戶歲
歲生朝勤勤稱誦可但民無灾苦願得地久天長佐
紹興

水調歌頭

次何薌林韻

閏餘有何好一歲兩中秋霽雲捲盡依舊銀漢載天
流長記鄉林堂上靜對小山叢桂樽俎許從游遙想
此時興不減上南樓引玉觴看金餅水雲頭醉聽
哦響寧羨王粲賦荊州此夕翻成愁絕未斫廣寒丹
桂猶衣敝貂裘萬事付諸咲斗酒且寬憂

又

再用前韻為生日詞